

光緒重修安徽通志

重修安徽通志卷二百四十七

人物志

義行一

六行之教先孝弟而次以睦姻任恤今之好善樂施卽古州黨之所以相救調也安徽俗敦古處自昔以氣誼相高好行其德見義必爲矧我

聖朝獎勵有加凡能分災恤患爲善於鄉者並邀

褒美故益相觀感苟可以利人濟物不惜指困傾家而力赴之舊志旣列敘之矣軍興以來輸兵餉舉團練振難民掩忠骸保衛鄉里敵愾同仇尤屬深明大義彙著於篇激勸來茲豈曰詞費述人物志義行傳

安慶府

宋裴百二郎潛山人嘉定間捐修天堂西水嶺及湖嚮大路

碑記 潛山
縣志 新增

元周樞密潛山人逸其名至正間武進士紅巾寇境聚鄉勇屯馬圍寨保障居民十餘萬先後十五年屢破天完兵以功授樞密同知明太祖出師鄱陽借糧於周助米千二百斛洪武時令

守舊土有德於民民祀之

江南通志

杜萬戶桐城人元將也僞漢兵陷安慶余闕死難其妾甫生一子棄水濱杜見之呼曰此余參政子義種也悉捐所攜物懷其子去今桐城洪濤山余氏卽其裔家廟猶祀余參政以杜配享

云 江南通志
安慶府志

方德益元末自池口徙桐以好義稱所居鄰學宮衝隘卽割宅地之半以廣之桐溪水出龍眠暴漲則激石漂木不可渡德益

捐金造橋甃石堅緻嘉靖末猶賴之

江南通志

明葛暹字宣一潛山人太祖討陳友諒輸粟千餘石載至都陽

餉軍太祖義之

江南通志

汪思義潛山人性喜施予正統戊午六邑大旱人相食輸穀五

千石送府助賑八年敕建旌義坊表其門

江南通志
安慶府志

金騰高桐城人任俠好義歲饑積穀二千石悉以賑鄉里詔旌

其門

江南通志

左仲良桐城人歲饑嘗以五百金糴米於楚盡以賑其鄉人有

翁姓者舉族疫斃五人矣皆無棺仲良夜舁五棺置其門遂得

以斂同邑鄧森指貯穀數百石遇水饑悉發以賑偶以事居鄉

有鄰婦夜奔正色拒之詰朝託他故去

安慶府志

石檜宿松人讀書知義成化丙戌歲饑與弟棠各輸粟五百石

重刊五經通志卷之四十一
以賑事間賜七品冠服

江南通志

童釗望江人舉明經以親老不就選成化八年授照磨所得俸悉分給鄰族捐舟濟人收瘞旅骨

國朝乾隆閒祀鄉賢祠

望江縣志新増

石謙宿松人歲饑以穀千餘石出貨不復取同邑徐文舉事兄嫂如父母急義好施萬曆戊申大水洲民無食冒險泛舟沿隄賑之多所全活後因歲饑又大出錢穀以貸不責收一邑義之

安慶府志

龍驥字伯良望江人宏治閒以歲貢官安化教諭倡明理學嚴率諸生署縣篆歲歉設法蠲賑全活甚眾致仕歸卒安化士民數千里來會弔其感人如此驥幼事嫡母以孝聞父嘗憐其清苦別遺之產辭不受均諸昆弟

安慶府志

儲仕顯潛山人宏治中出粟賑饑旌尙義冠帶又儲正則正總
閒呈懇寬減徭役鄉里賴之葛遠經散財輸粟賑饑儲明奎明
末散財聚兵保障鄉里

潛山縣志

新增

朱正色字念默懷甯庠生幼志聖學以主敬爲宗生平無苟笑
無惰容嘗曰道學無實踐雖語錄千卷終類桑門棒喝耳隱居
教授歲晏自館歸遇有夫婦啼號傷慟者知爲鬻妻償債卽領
館金代償以全之歸語妻方氏方亦欣然

安慶府志

游於詩字二南懷甯人事親孝日夕侍膳親食然後敢食以諸
生入太學時盱江羅汝芳爲海內儒宗往從受業與金陵焦竑
輩結爲里社開示後學倣朱子立義倉於其鄉凶歲賴全活者

甚眾

江南通志

曹規字循理望江人成化閒以明經爲邠州判重義樂施如捐

資修學礮石築開設粥以活流殍具棺以掩骨骸不可勝舉鄉

里德之

江南通志

左麒字天祥桐城人成化閒廬課甚重民多受箠楚囊三木麒爲代輸其稅明年徵比如前慨然曰代輸豈若額減吾當撞登聞死闕下遂決志繕疏赴都其僕左恩泣曰吾當代主死主甯其身以待天子召對於是伏闕上疏死於交戟之下麒蒙召見允奏減課額十分之三奉旨歸里里有錢某知麒終始此事費且千金乃以三百金奉之而婉其辭曰欲藉公以傳不朽麒受之以其金造李家溝新圩石橋更佐以己產又費千金行者賴

焉

桐城縣志

吳鯉字躍如懷甯人正德庚午舉人知樂安縣有能吏聲擢知蔚州總兵官劉定之以望誤論死人多稱冤鯉未與謀面卽入

見督撫備陳輿論之公力爲解救得未減踰年歸劉贈以金拒

不受

江南通志

陳尙煒懷甯庠生家籍舊隸於軍煒出千金置義田給旬補不

累其族

安慶府志

馬憲字廷章桐城人正德己卯宸濠自江西叛犯安慶所在防

閒謀搜得豫章人輒殺之憲憫其無辜家爲複壁多納其中間

者咸懼株連未幾濠平眾慶更生

桐城縣志

方應聘懷甯貢生故人陳卜微遊宦於蜀貸人千金應聘子都

韓質其事後陳不能償其人責償於都韓曰以君父子信義素

著故耳吾豈知陳某耶應聘卽命其子鬻產償之

安慶府志

方珠桐城人正德丙寅輸萬金助邊備賜六品頂帶同族方珏

亦嘗輸資以助國用膺冠帶之賜

桐城縣志

魯田宿松人充南御史承差時嚴嵩擅政章奏副封先白納言
語有涉嵩卽匿疏而陰中其人巡江御史林潤劾嵩以湖廣水
災爲副封令田齋奏通政多方訊問田不爲動疏得入而始疑
嵩及邵應龍繼奏乃顯罪焉後授驛丞不仕卒年九十八

安慶府志

石序宿松歲貢嘉靖甲辰春饑貸穀千餘石秋不熟悉折其券
辛亥蛟水漂溺序雇舟急救多所全活隆慶中以分宜縣丞署

知縣終吉府典寶正

宿松縣志
新増

張守紳懷甯監生考授州同知嘉靖萬厯間屢次捐穀賑饑穀
罄貸毛氏稻不可得一夕毛氏稻盡飛入守紳家今里中猶呼

張氏倉爲飛稻倉云

懷甯縣志
新増

陸科桐城人隆慶閒河南旱科以客居輸米五百石後家居失

火衣冠拜風返火息

桐城縣志

朱應麟字仁吾宿松人居陳漢山積穀萬石萬歷戊子虞劉二賊踞長溪兩臺調兵進剿將爲清野計應麟奉檄一夕盡燬其倉賊平詔給銀五百兩辭不受請充客兵回餉以題敘授都司

江南通志
安慶府志

吳承家桐城人萬歷閒大旱出穀數百石貸里人已而不能自

給宅旁有圩種穀穫百石又散之隣里

桐城縣志
新增

蔣卿字雲崖懷甯人除夕獲偷兒給以度歲錢米又見少年號

泣赴水詢知販橘爲酒敗具債家索逋也厚資給之

懷甯縣志
新增

王白川桐城人歲饑出金賑鄉里又拾遺金還其人

桐城縣志
新增

吳忱周字尙文桐城歲貢父命分產讓之伯季悉無所受嘗夜讀邸舍主婦睚就焉周拒之曰若夫吾友也爾不愧夫吾不愧

友乎婦慚而退

江南通志

李可大桐城人積穀八千斛歲饑盡以貸鄉鄰不責償

桐城縣志

曹庶懷甯人天性孝友父卒事兄如父嘗拒鄰婦於暗室惠偷

兒以錢米有太邱彥方之風

安慶府志

方夢暘字子旦桐城諸生嘗焚千金負券渡江舟人失金相爭

夢暘謬曰適吾僮得遺必爾物也如其數以償之已而舟人得

金所在人稱長者

江南通志

莊可象懷甯人家極貧嘗拾遺金於路時絕糧已數日必待其

人還之

安慶府志

李璽字廷玉桐城人其友汪冕赴廷試病於邸囊有百金以付

璽人無知者冕卒璽爲棺斂治喪召其子至京迎櫬因以父金

還之

江南通志

趙弼桐城人嘗拾遺金竟夕不寐旦而訪還其人同邑吳用侃

疎自訓皆以還遺金聞又諸生劉世傑暑月見一人醉臥烈日中扶至柳陰見其腰有白金遂坐而俟其醒始去

桐城縣志

錢元道桐城人有甄商主其家既去除室見遺金二百餘乃置倉中壓之以穀後商至言途中失金元道曰非也發倉示之囊括宛然遂還之

江南通志

朱東字漢卿桐城貢生晨詣學見道旁遺金弗顧僕曰後人不取之乎乃收之約二百餘以聞於校官出示招之則糧役王姓所遺王請分東笑曰天欲損爾豈使吾見速挈去

江南通志

程希學桐城人嘗赴試過香爐寺如廁見遺金百餘收之居不去僧曰文宗且至何逗畱曰吾與友約待之三日有哭而至者曰吾父嚴而失稅金進不勝官刑退不勝父刑死矣希學出而還之

江南通志

周伯鐸桐城人天順閒輸粟五百石助賑不受冠帶

桐城縣志

王如彬太湖人嘗拾遺金守而還之歲凶出粟以賑全活無數

卒年九十二

太湖縣志

涂遠猶潛山人嘗買瓷器於程姓店誤置三百金於瓮箱內遠猶啟箱見之持金歸程程感其意願分半不受同邑吳希孔於皖中市布布賈自蘇回誤置銀二百於布內吳希市得之見銀大

驚夜馳告其人酬以金帛固卻不受

安慶府志

陸德旺桐城人嘗於焦嶺開北鑿石渠以通水南築堰以灌田其子秉義秉彜復於堰上建石橋費千金里人名曰陸公橋秉義景泰時輸粟二千斛助賑秉彜成化時輸粟千斛助賑

桐城縣志

葉子楠潛山人太湖趙壽浴潛之東河遺金二百於橋上楠得

之徘徊橋畔以俟之壽還願分半楠不受又有高樞亮者獲嚴

姓遺金百盡還之

安慶府志

袁師伊字子衡宿松諸生鄰人避寇遺金三百伊得之寇去招其人出金與焉封識宛然

安慶府志

石頌廣宿松人途遇楚客遺金二百守而還之分金以謝不受

安慶府志

汪昌應潛山人邑有鬻粟償逋者爲贖還濱河大水男婦棲木杪昌應適載稻六百石過之間哀號遂傾稻於水以舟救之而

歸

江南通志

金道會潛山人父客死金陵每一追思血淚迸出明季流賊盤踞避地虎頭寨時荒疫盛行道會運米三十石至寨貸者腫至同室者言米盡奈何道會曰誠然然不忍人飢而我飽也米盡飢兩日命子承蠲夜伺賊營開道脫歸路遇死傷露骨買棺葬

五十餘家

江南通志

馬之龍太湖庠生湖廣布政人龍弟也明季寇亂楚人有爲賊掠流落太湖者之龍曰此兄之子民也悉具資糧歸之壬午太湖城陷之龍亦被執至楚楚人知之優禮送還歲凶輸粟數百石以爲眾倡全活甚眾

江南通志
安慶府志

何如盛桐城諸生多陰善嘗讓產以全友愛割田以止鄰侵延師以教族子買田以賑貧乏歿之日里巷號哭

安慶府志

宣塗字明瞻懷甯歲貢官滁州訓導歷甯州學正皆有去思無子妻爲置妾見女有威容詢之言係維揚名家子召其父母還

焉

江南通志

張一輪桐城貢生年五十無子鄉人坐法請以女侍巾櫛日吾不忍也贈之金而遣之後教諭泰安有皖賈寄金千越數年歸

賈已死召其子還之封識宛然

安慶府志

方綽桐城諸生兄絢貲豐而乏嗣以綽子爲子兄卒爭繼事起

綽卽以子還性好施予歲饑出千餘金糴穀以賑鄉人

安慶府志

朱應瑞望江人曾官衡陽有惠稱家居值荒疫收道殣瘞之施

棺以數千計

安慶府志

王鎮桐城人嘗販穀至蘇州適大饑遂傾舟以賑之蘇人爲立

王善士碑

桐城縣志

張應宸桐城人親喪哀毀友愛尤篤嘗捐金修城率其兄弟悉

力守禦賊不能破歲饑賑粥全活千人舉明經不仕卒

江南通志

江南通志

望江人

許一龍桐城人禮部儒士嘗客蘇州里不戒於火舊館人罹禍

最慘乃以所載米數百斛半贈館人半卹里巷燬者盡散以歸

桐城縣志

何國達望江人崇禎乙亥流寇入境城幾不免國達捐金為守
禦備兵民協力城得全同邑陳學泰合家登堞晝夜荷戈有司
知其賢凡戒嚴器仗牛酒悉以委之防警十餘年城得不陷

安府志

王嘉猷桐城人崇禎中饑盡以所積穀數百石散閭里同邑童
良魁為粥以食餓者全活數千人未幾大疫復捐金購棺以葬

桐城縣志

張久中懷甯諸生孝友好義盜入室中覺之謂曰汝良家子也
以所存修金為贈戒自新果感化終身不言其姓名

江南通志

汪沼桐城人歲嘗糴穀出以平糶令買者自封金署名取米糶
盡日始一省或投以腐金即棄之不復問歲以為常歲饑賑粥

數月施棺以瘞死者

安慶府志

童良譽號御華桐城人里某畏罪服毒幾死童救生之爲脫其事又見一偉男子窘於途贈之資使歸後流寇至桐執其子泰舒將加害一人呼曰汝知有童御華乎曰吾父也其人曰吾恩人也因問御華安在答云已歿其人哭失聲與諸賊言前事送之江干而別泰舒竟渡不得忽有小舟至曰速渡賊將有後至者矣泰舒謝之曰吾卽汝父救死而脫罪者也此賊何與汝惓惓如此泰舒爲道其故相與泣下

桐城縣志

張仲齡宿松人歲饑出粟以賑不足以衣飾繼之里有射以解糧滯獄仲齡爲代償獲免

安慶府志

鄭若瀄桐城人寇掠婦女數十人舟過陡潭若潛視其舟救舟

中賊得所掠送還各家

桐城縣志

曹維勳懷甯人崇禎辛巳大疫施棺槨藁席又張世俊於歲饑

竭囊以貸鄉里悉焚其券

懷甯縣志

徐從學謝耀卿王嘉禮俱懷甯人並有拾遺金還人事

懷甯縣志

吳鳴鑾桐城人有李氏負債將鬻妻鳴鑾先焚其券爲徧告眾人皆棄券不責償李氏夫妻獲全

桐城縣志

李灼本姓姚桐城廩生寇起邑令楊爾銘聞其忠勇徵之團練賊至桐城守嚴不得志將向皖灼率千餘人扼要禦之會黃得功援兵至賊遯灼率弟仲宣允開等邀擊殺之殆盡事載全桐城紀略

國朝初議准建楊爾銘及後令張利民專祠灼與王雯耀邱山等

十人從祀

桐城縣志

胡文燦桐城庠生流賊攻桐文燦偕同學孫以時以邑侯張利

民書乞皖撫致書黃得功兵至圍解後亦從祀楊張二知縣祠

桐城縣志

胡來虞桐城人桐令張利民聞其名詢以禦寇之計來虞爲之贊畫與駐防孫得勝羅九武歃血同盟建敵臺置礮石寇至登陣死守凡十四晝夜黃得功至圍解表其功議敘授職後亦從祀楊張二知縣祠

桐城縣志

國朝劉光祖懷甯人父一魁矜孤卹寡周急濟困全球要助棺木焚借券目見五世卒年八十七光祖積善好義一如其父前後焚券二千餘金感德者至立主祀之

安慶府志

彭繼祚字爾絲望江庠生順治丙戌大旱縣不以報繼祚與士民籲府亦不獲請憤於府堂觸柱而死事聞安撫疏請錫賑民

命獲蘇

望江縣志
新增

王曰貞桐城人孝事繼母弟被盜挺身出救盜感而去屢償姪
道明季歲設粥以賑嘗遊姑蘇值閭門大火罄舟米二千餘
石給之蘇人爲之勒碑每歲施棺藥無算順治丁亥出粟賑饑
至於罄產迄今稱之

江南
通志

鄧元盛桐城諸生少館於巢夜有婦叩門乞火叱之不內遇歲
歉輒出穀以賑明季流寇犯桐首捐金助餉以倡七旬丁母艱
猶作孺子泣與弟元炤元聲極友愛元聲嘗割股愈親以孝著

安慶
府志

李在公桐城人嘗建殮菴檢枯骨瘞之明季寇偪城兼時疫作
積屍橫街在公備棺日出數百埋於郭外棺不足繼以席計斂
一萬七千有餘又率諸生登陴防守晝夜不懈順治閱徵碎不
就築室龍眠山安貧樂道

安慶
府志

王斐耀桐城諸生明季流寇攻城屢獻守禦之策於當事史可法嘗延入幕府豫兵機邑有警請賑請授必得其言以爲鵠時
搜緝土賊難民被誣力白上憲全活甚眾鼎革後駐防孫得勝
羅九武殘虐相民上憲欲遣兵收捕兩營三千兵將大掠屠城
而遜斐耀曉以利害釋戈就縛一邑安堵

安慶府志

李模潛山人年十三隨父遇賊跪求代賊感而釋之廣置祀田
撫姪如子歲歉前後捐穀千餘石以賑平居施藥施棺施臺
壘不懈

安慶府志

孟命世懷甯人左兵滿安慶父振邦罵賊死兩弟被掠命世崎
嶇萬狀冒險贖歸順治初征南譚將軍辟參軍務以功授知九
江府焚刁民誣逆狀保全數千家移守端州申免浮糧數萬石
弟輔世諸生性孝父母殉難每一感動淚盡繼之以血

江南通志

南縣志

祝大士太湖庠生順治初土賊蜂起大士諭以禍福悔過投戈獲全首領者以萬計丙戌流民佃種蘄湖兩界田地恃眾虐田主遂以叛告當事將會剿眾懼誅聚黨據險大士挺身願往招撫奉檄同學博楊鼎躬往勸諭俱解散安插得免屠戮卒年八

十二

安慶府志

李成喬太湖人明季寇亂母呂氏弟成柱俱爲賊執成喬哀求代死被數剝不舍賊感釋之尋與宗族相保山中防禦有功順治六年土賊踞山焚掠喬及姪之大之甲之衍及佃薛志柯六等力闖出境奔詣操撫李日芄請兵剿滅亂後田荒復請徧給牛種鄉人感德有族弟落魄在楚覓歸爲完家室又嘗置義田義學以教養宗族

太湖縣志

曹紹湖太湖人性好施予子榮尤喜推解順治壬辰歲大祲出穀數百石以濟鄉鄰買棺以瘞道殣父子俱臻大耋人以爲有

德之報

太湖縣志

梅雲從太湖人歲祲捐穀數百石以周貧乏全活甚多卒年九

十

太湖縣志

朱連隆宿松人官海鹽丞順治初解白糧赴京適平湖丞劉文舉解糧漂舟追比無措連隆慨然貸千金救之得釋

安慶府志

知所問望江人明季曾官襄陽郡幕邑苦寇擾捐金繕城濬池率眾守禦邑人安堵順治初值歲大祲出粟賑粥溝瘠復起卒

年九十

安慶府志

吳上選宿松人左兵憤走所掠子女棄道旁者悉周以衣糧有

幼而無歸者攜歸撫養之

安慶府志

何幸亨潛山諸生協鎮梁大用剿土寇多所殺戮幸亨說以招降全活無算後梁升都督鎮湖州延亨在幕擒獲海寇詞牽士紳亨白於梁多釋無辜同邑劉餘郁亦梁幕中士爲運籌平諸

寨時良民多爲賊誣餘郁陰爲辨釋活者甚夥

安慶府志

黃廷綬潛山人母病刲股療之及卒流寇入境哀號守柩得免方土寇踞山寨綬奉操撫李日芄檄入山宣示德意皆望風投

誠又請捐牛種以安輯難民鄉里德之

安慶府志

許高尚潛山人少孤年十五奉母避亂江南母歿負骨歸葬族有鬻身者以多金贖之鄰有娶妾數年不孕家落欲別遣之助貨勸之畱後得生子

安慶府志

范孫繩太湖庠生明季歲饑傾廩出濟丙戌大祲一二探丸作祟羣議非土著者悉兵之孫繩力爲保全凡千計且計口給費

使歸里馬

大興縣志

任垣懷甯庠生年十二爲賊所掠有江右客黃德明奇其貌贖之使歸後德明舟覆全家流寓儀徵垣迎之至皖分屋以居生養死葬兄垓觀察粵東屢招不往聞被誣解任星夜奔救往還四年誣卒得白家居善行甚夥三黨嫻親多藉以舉火

安慶府志

十安慶言府志

張清誼懷甯人嘗拾遺金訪其人還之平居助婚娶卹貧乏善行甚多

安慶府志

凌榮流潛山人兄弟子姪同居百餘人不析爨弟榮洪過樵陽嘗拾遺金還其人同邑丁藻嘗拾遺金於雪中俟其人而還之

江南通志
安慶府志

閔時望宿松庠生嘗拾遺金索其人還之里有鬻妻者爲出金
全之弟庠生時隆歲饑傾廩以賑里中貧不能婚娶者解囊助

之

安慶府志

朱志光懷甯人曾拾遺金二十兩俟其人歸之其人至言所遺
者五十兩何僅還此志光不與辨卽解橐以足其數後其人復
得所遺於他所感愧來謝亦不復言

安慶府志

陳禎祥懷甯人嘗於佑聖觀鐘簷下得遺金二百待失者至而
還之同邑諸生黃在中嘗拾遺金五十兩訪其人還之

安慶府志

祝開文太湖廩生嘗於旅中拒夜奔女詰朝卽移寓平居餽藥
施棺掩骼埋骨刊格言修橋梁雖耗產不惜也同邑廩生黃純
臣亦於密室拒淫奔者終身不道其姓氏又庠生阮吉士嘗宿
山莊有豔婦宵近之卽燃燈起坐婦慚而退

安慶府志

孫之佑懷甯人母好施與嘗積金以備用康熙辛亥邑饑佑承
母志出銀米分贈貧窶全人夫婦鄉里頌德同邑胡以孝亦以
其時捐米五百石分贈鄉城貧乏歎聲載道

安慶府志

左暉桐城廩生少保光斗之孫辛亥歲饑爲粥以食餓者平居
建宗祠置墓田弟疾一匕一勺雖夜必起視其湯藥飲食父卒
暉年已六十悲咽不食竟以是致疾而卒所著書凡百餘卷

安慶府志

鄧宓桐城諸生父森秀壽躋期頤宓年已六十猶日侍几杖嬉
笑如孺子好施予設絮衣寒出粟食饑歲以爲常精小兒醫村
童里嫗夜半叩門未嘗不往人稱長者

安慶府志

周克桐城諸生父以株連櫻郡司理怒克往代杖而繫之不自
明其爲博士弟子也歲饑捐粟千斛以賑族戚沾其惠

安慶府志

姚興淙桐城人歲饑首捐金數百同邑紳設粥廠大霞宮經理數月後又饑奉憲檄分賑於邑西之挂車河又司平糶之米於天甯寺由夏迄秋民不知饑他如藥餌榻榻續絮茶湯之施無虛歲惜年甫三十而卒

安慶府志

熊元魁潛山人歲饑出穀三百石助賑平居置義田助婚嫁有因訟賣媳者予之金以全之

安慶府志

盧煌潛山人兄弟六人友愛不析箸宅近黃泥港通大河係合邑納糧孔道水險病涉捐金獨建石橋至今賴焉

安慶府志

操宗祐潛山人捐貲倡修西河大橋又獨建夏家口石橋有陳某王某以事鬻子皆助金贖之

安慶府志

宋應第太湖諸生曾捐資重建馬家橋康熙己未大饑鬻產助賑同族宋應翰亦出資行賑不足鬻田繼之鄰合家病疫人不

敢近應翰爲殯死扶生疫亦不染至助嫁娶喪葬諸事多不全

人知

安慶府志

李大鶴字鳴皋太湖諸生父病晝夜服侍湯藥衣不解帶者四年嘗捐田以贍族人之廢疾者歲荒竭貲糴米以濟鄉鄰人有潛葬於鶴私山者眾爲之念鶴置不問

太湖縣志

羅大聲宿松人歲歉捐貲開廠賑粥募義者景從並叩官借糶邑中貯穀減價以糶一邑得全

安慶府志

史應鼎望江人歲饑倡義捐貲設廠賑粥一邑賴以全活者甚

眾

安慶府志

張杰桐城人性孝友世父秉文殉難於山東杰爲總其家成立其孤司鐸吳門會郡饑當道委賑太倉崑山諸境部署周詳民沾實惠巡撫湯斌欲薦之力辭而歸

江南通志

曹士洪與弟士昂皆太湖監生康熙閒歲荒捐穀百石濟人全

活甚眾昂善相地營葬其祖時有村女私奔者正色拒之

太湖縣志

姚士堅桐城歲貢邑西挂車河當孔道多暴漲行者時死於溺

士堅首捐七白金倡造石梁人不病涉歲饑賑粥活數千人他

所施濟門無虛日由是家中落而典衣鬻產爲之不倦

江南通志

王惠字惕存懷甯武進士未第時有拾遺還金事工詩著柘湖

草

懷甯縣志
新增

王章宿松人父以累繫獄章時七歲奔縣請代父繫官問孺子

受何人指使對曰父繫獄人子至痛豈待使耶官奇之釋其父

及長倜儻好義有出金完人夫婦事

宿松縣志
新增

吳緒遠宿松監生少孤母延師課之已而告母曰兒幸就傅若

同舍兒何母喜爲廣家塾增館殿及長代族黨輸通賦千金同

縣諸生吳之榮康熙閒出粟濟饑招貧兒於塾教養之

宿松縣志

羅士衡宿松增生康熙初充里排督賦秉公別弊鄉閭以安又

代族人償公項千餘金子廩生大千兩次捐貲助賑

宿松縣志

周虞音桐城諸生康熙丙申捐銀米賑饑雍正丁未助立社倉

乾隆丙子大饑復出穀千餘石孫監生芳杓倡捐祭田歲歉施

衣粥棺木

桐城縣志

吳嗣新桐城諸生與弟兄和振新泰和並孝友鼎新壯歲喪妻

不復娶泰和候選府經歷每歲暮平糶先受穀值視其極貧者

藏直穀中還之

桐城縣志

張瑱桐城諸生持身嚴毅厚宗族置義田焚負券鄉里德之

江

通志

金薰潛山人祖業素封俱捐以賑饑以致家落嘗典衣飾易米

三十斛鄰里告急輒散之僅存三斛晏如也

江南通志

李應培字天成太湖人父嘗爲盜所縛泣求身代盜感釋之雍正

二年歲饑倡捐備賑又於龍山建亭施茶里黨緩急叩無不

應子士傑亦能繼志嘗捐田十二畝爲書院膏火之費

太湖縣志

姚士暨字注若桐城人由明經歷官刑部郎中論決多平反居

鄉端睦設粥賑饑遇貧乏者力爲周卹甲寅征滇黔兵駱繹經

桐吏欲徵費於民暨念民力不堪鬻產給芻合邑賴以安堵

江南通志

通志

姚孫枝桐城人性孝友父名蓮終身不食蓮實族有婚嫁不時

者屬其姪文然分俸給之歲饑出粟以周乏者至不能自給從

人貸米數十斛值鄰有喪不能舉卽分半與之而自咽麥粥

安陸縣志

志府

孫中夏字威公桐城諸生僑寓金陵性慷慨千金隨手盡歲饑賑粥全活無算嘗與武林趙吏部承烈爲布衣交趙坐事繫獄夏單騎走長安周旋踰年得釋賦詩以紀其事一時輦下鉅公競壯其事欽其義而和之

桐城縣志

邢士鶴桐城諸生嘗客兩江總督幕中有武弁黃某得罪將坐死士鶴力持之得末減一日士鶴出黃某持千金爲獻大怒叱之去曰我初不識子特以非罪相爭此何爲者其人泣謝而退

桐城縣志

縣志

張自拔桐城庠生捐資獨建祖塋享堂連城湖徑表七里餘爲縱陽孔道自拔築東西兩長隄輦土畚沙濬溝架橋以利行者

人咸德之卒年八十六

桐城縣志

張宣桐城庠生歲饑捐穀數百石助賑

桐城縣志

錢世隆桐城庠生康熙戊子大水楓林圩隄將潰急捐重資鳩工保之境內安堵己丑春荒甲午秋旱雍正丙午丁未連年水

災並出粟以賑饑全活無算

桐城縣志

伍文翰桐城諸生歲饑發粟數百石以濟鄉里有不願受者陰貸之不使人知

桐城縣志

曹惟清桐城諸生邑萬年河春夏洪漲行者苦之惟清設筏於下流又於旁出小河置橋一座捐金售田歲得租三十餘石爲

修整費

桐城縣志

趙枋桐城人邑東疊遭水患餓殍塞路枋心傷之捐金造建廣善堂於裴仙祠側備具棺木同志助之遂成盛舉

桐城縣志

胡大成桐城人邑東關外良弼橋爲水漲冲坍捐八百金修之

復建勤仁橋於界河後良弼橋復沖坍七丈餘其子昭捐二百

餘金葺之

桐城縣志

左廣桐城人姪堯臣奉母就醫徽郡苦無力廣售田以千金付之嘗於暑月煮綠豆粥於郊外以濟行人餓渴行之三十年不

倦

桐城縣志

黃又珣桐城人嘗獨修挂車河大橋官民利之歲饑以米三百

餘石周卹鄉里

桐城縣志

張啟洪桐城諸生邑高坂常苦旱啟洪疏懷潛嚴陂堰水路十

餘里灌田數千畝一方賴之歲饑必稱貸以周貧乏

桐城縣志

謝居安桐城諸生宅西有河病涉置橋曰永濟捐田以垂久遠

歲饑設粥以食餓者

桐城縣志

丁承憲桐城人孝事繼母建家塾以課族子弟冬製棉襖以贈

無衣者乾隆二十九年大水出米數百石以濟災民三十三年

大疫施棺數百具

桐城縣志

張忠桐城人捐金仿朱子社倉法歲積穀千餘石穀貴減價以

糶大荒則悉以貸之

桐城縣志

張立長桐城諸生乾隆乙巳大旱捐金數百買米漢沔欲以助

賑中途遇盜僅以身免復質田買穀平糶聞者感泣又捐貲施

棺木置義山善事甚多

桐城縣志

劉華渚桐城庠貢生歲凶捐賑寒給棉衣湯鎮舊無橋梁與兄

華清募捐浮橋並置義田以爲歲修之資至今百餘年人不病

涉

桐城縣志

鄭楫桐城增生捐墓田以培松楸設義田以贍宗族歲饑賑粥

貸粟全活無算

桐城縣志

李九彰桐城人父世祥嘗欲修項家河橋未果而卒九彰承其

志連建三橋紳士顏其碑曰五里三橋

桐城縣志

方星桐城庠生嘗宿滁陽旅舍得遺金五十訪前客已登舟正以失金責僕遂舉以還之同邑童奇瑋楊先樂房尙遠諸生吳

慶朱壽箴皆以還遺金聞

桐城縣志

馬燾桐城人性廉介重然諾客遊燕秦河洛垂三十年在西安

嘗有友人出關寄數千金約其子取既而逾期不至燾家寄書

招其歸不肯行爲畱會城二載卒待其子至而還之

桐城縣志

宣佐字左人懷甯人與方侍郎苞相識爲泛交方以南山集牽

連被逮佐爲奔走急難方繫刑部佐數千里入視及方出獄而

佐已卒方甚傷之爲作哀辭

懷甯縣志

王國運懷甯諸生饒於財而能散自家祠墓田及橋梁亭渡捐

置創造有名者數十處歲饑出粟以賑施絮衣醫藥棺槨歲以爲常子度能繼其志奉行不怠鄉里至今稱善門

懷甯縣志

何振纓懷甯人年十二母歿於寇痛不欲生嘗輸四百餘金代邑人完逋糧與賊李延昇共捐修廣濟橋行旅稱便又嘗助修學宮歲饑捐賑贈金全人夫婦救遺金欲自盡者如其數予之不告以姓名雍正二年請祀鄉賢曾孫文珍亦能繼志多善行

懷甯

縣志

張廷璇字清紹桐城人雍正己酉以保舉官東臺場鹽大使擢通判分司通州有符生者以文受知嘗以吏事相干廷璇曰汝貧當相告何乃作此等事不允所請而予之資生感憤爲善士海濱以竈戶煮鹽舊給之田竈戶賣之易數主且百年有議奪還於竈戶者第給故值廷璇不可而上官不聽慨然曰厲民爲

婦可乎遂投劾歸

桐城縣志

楊之俸懷甯人嘗鬻米夜泊山鎮適鎮被火延燒數十家爲出

米三百石以賑其地至今德之

懷甯縣志

袁宥潛山諸生樂善喜施賑貧濟困倡建橋渡康熙壬午水漲
雇船救被溺者百餘人各給衣食子揚亦輕財好義如其父

潛山縣志

戴世鎮潛山庠生父病禱天求代嘗有欲賣其妻者爲資衣食
數載得全又路拾田契銀兩訪其主還之同邑汪宗異亦嘗拾

遺金還其人

潛山縣志

涂經潛山諸生母病割股以進父染風負之出入歷十餘年不
懈鄰有因貧鬻妻者捐金全之

潛山縣志

余繩美太湖諸生嘗倡立宗祠又捐數千金建節孝祠於學宮

側置祀田以垂永久康熙戊子歲饑糶穀池陽傾舟賑濟

太湖縣志

張孔紀桐城諸生考授州同嘗增修連城湖隄於孔道創建石

亭十所又於通津置渡舟數處以利往來至周卹里黨助喪葬

諸義舉多不勝紀卒年九十

桐城縣志

章鍾呂太湖諸生每歲杪以錢米暗給貧窘歲饑煮粥食餓全

活甚眾有負金百兩者往取償見其窘更以二十金貸之而還

年八十二卒有撫棺痛哭而去者不知其姓名弟鍾器亦嘗捐

金完人夫婦

太湖縣志

吳良相太湖人嘗拾遺金五十兩守而還之又嘗捐穀賑荒出

資全人夫婦卒年九十餘

太湖縣志

章啟端太湖人性孝友繼父爲賊掠去啟端往尋三載始歸家

產爲兄鬻盡毫無怨色子于翰能率父教嘗拾遺金還其父

年九十四卒子亦八十有五

太湖縣志

蔣乾年太湖諸生縣南趙家橋圮捐資數百金獨建人無病涉

太湖縣志

劉世傑太湖增監生歲饑捐米賑粥傑以中人產視上富加倍里中有士貧而介病甚周之恐不受爲埋金園中令其家鋤而

得之

太湖縣志

方琨桐城諸生乾隆乙巳饑竭力捐賑全活無算嘗買一婢察其已字人卽令領回完聚且資給之族有聘王氏女者其母兄嫌婿貧改許吳氏女卽自盡琨爲申明其節入祀節孝祠

桐城縣志

楊美之懷甯人業貿易與一客同宿旅店客倉卒遺金數百爲

畱住十餘日俟客復至還之

懷甯縣志

江高軒懷甯人家貧操舟爲業偶夜泊遇風有鄰舟將壞挈金

二桶誤置高軒舟中甫曉各解纜去高軒見金回船數十里復抵故岸俟之有客號泣而來呼而問狀卽還之其人願分以謝不受

懷甯縣志

江照擢懷甯操舟者鄰船少年醉歸遺其囊金爲顯擢所拾少年醒而謂遺於市將與市主人訟顯擢出而還之且言其醉遺

狀少年慚謝分之金不肯受

懷甯縣志

黃列三懷甯人偶過錢肆主人墮十金於地板隙中將責僮僕走訊黃黃如數還之未幾地板壞主人獲原金乃共歎其厚德

懷甯縣志

葛行軌潛山人嘗拾遺金守而還之

潛山縣志

曹昌期太湖人候選縣丞母病風與弟銓更侍湯藥中裙廁胸身親澣滌者二十餘載嘗拾遺金於道俟而還之

太湖縣志

張麟懷甯歲貢倡捐米穀行社倉法於其鄉同邑魯元英歲饑出粟以賑又散給社穀數百石獨力完納不責同里償有族兄僅一子家落流離在外自往尋歸分宅授田婚娶成立

懷甯縣志

李清字玉峯太湖人乾隆乙巳歲饑泛舟江西糴米以濟族鄰甲戌庚辰饑亦如之嘗入山聞哭甚哀詢之則將鬻婦者捐金全之不告以姓名他若設北關濟渡置家廟祀田修治橋路不惜重資邑人無不德之卒年八十五

太湖縣志

曹錫鸞字啟庭太湖諸生嘗歲置棉衣以濟孤寒遇歲饑必捐金數百糴米平糴又指困以貸族人人以有急告者傾囊仗助邑有建修無不竭力以襄厥事

太湖縣志

周拜颺字廣言太湖諸生母年九十四終拜颺已老猶哀毀盡禮邑建書院考棚立學宮灑掃會皆捐資首倡歲款平糴尤加

意族鄰所著有蘭言集

太湖縣志

王文華桐城人乾隆乙巳庭歲將大饑乃預膏己田得數百金糴穀數百石已而大旱諸姪輩悉賴以濟其餘盡以貸族鄰焚

券不責償

桐城縣志

朱芳鵠桐城諸生自金陵歸渡江見二舟覆死者十有七人存者數人乃遣從者先歸取二百金以半瘞死者半贈生者不告

姓名

桐城縣志

劉愛書字丹戒桐城人讀書晚於小試棄去遊幕粵東名重公卿開兩廣總督暨海關監督均器其才舉主粵東洋務四十餘年海船謠謐援例捐道員值永定河災輸款助工加鹽運使銜川楚南河東河各軍需用疊次報效鄉里荒歉及修縣東橋慷慨輸助又置合族墓田祀租六百石置本支墓田祀租五千

石以其羨周族貧乏者

桐城縣志

胡聯及桐城人乾隆乙巳大饑以麥六百石分濟族鄰

桐城縣志

方璠桐城諸生性孝友乙巳大饑奉公捐賑外質田產輸金穀

各數千施窮乏臨卒命其子泰階焚四百餘券後泰階又輸穀

數千斛創建義倉里黨咸感之

桐城縣志

吳詒松桐城諸生乙巳大饑稱貸者予之慚而不以情告者叩

門餽之又捐資買田歲入租二百八十石爲義田贍族人

桐城縣志

陳梁懷甯諸生乾隆乙巳大饑同弟清玉買米平糶又煮豆粥

於路食人活者無數

懷甯縣志

黃昌貞懷甯人嘗載米鬻樅陽鎮行戶算值誤多數十金既歸

知之亟持還子大璋乙巳歲饑出米數百石賑濟鄉鄰全活甚

眾

懷甯縣志

何先瑜望江諸生歲歉捐資倡義設廠賑粥置冢施棺募義者
多倣而行之巡撫旌以德壽嗣昌扁額

望江縣志

趙瓏字雨亭桐城人乾隆丁未過大名令葉某署時葉被逮戍
伊犁葉父母泣子無伴瓏毅然偕往越二載始回後葉母歿瓏
已六旬復往唁之行至烏魯木齊聞葉隨將軍移駐塔爾巴哈
台遂改轍而北將軍聞瓏至迎揖曰先生前固言復來果不爽
誠義士也先是邑有河州知州某子椿久戍伊犁瓏再出關時
椿母以百金託致其子塔爾巴哈台距伊犁甚遠託巡檢陳棧
轉寄陳言椿已死瓏歎曰椿家無三尺之童焉能歸萬餘里柩
乎乃迂道八千里攜歸焉一時義之

桐城縣志

甯耀祚望江人早卒初病革屬其妻王氏力行善事道光癸未

歲饑王氏捐銀一千兩助賑以成其志

望江縣志

萬春字超羣潛山貢生父輝鄉里稱善人春承父志好施予捐

有祀田備災田惜字田

潛山縣志

許淵躍桐城諸生事親孝與諸弟友愛無閒嘉慶十九年旱竭

力捐輸且編爲諭勸好義者無不景從民賴以濟

桐城縣志

張大輶太湖諸生嘗買廬江一婢詢知爲名家女予金遣還潛

山水災出資雇人收埋漂屍無數

太湖縣志

張廷謁太湖人事繼母極孝撫孤姪如子嘗獨建義學延師以

教族子弟歲歉出穀平糶費不貲凡邑中善事無不與人共之

太湖縣志

倪廷揚望江貢生嘗捐金四百餘築邑南長隄五里水不爲患

乾隆乙巳嘉慶壬戌歲歉皆捐重貲買米以助賑又嘗捐田入

邑雷陽書院以備士子膏火他如助祭田濟窮困義舉甚多

望江縣志

冊
縣呈

余懋文望江人與弟懋光俱諸生兄弟同居不忍析爨凡遇歲
歉必竭力助賑乾隆乙巳捐金數百買米散給族鄰多藉以舉

火望江縣

呈冊

張龍升望江人嘗官常州府學訓導家居後與同邑諸生彭澤
陳窘張換升江洲等於嘉慶二十一年共買義山田地設立依
仁局掩埋枯骨凡道殣及無資以斂者皆取給焉

望江縣
呈冊

姚駸字襄緯桐城人子瑩令閩中駸就養凡政教設施多所指
授每去任送者焚香環駸馬首不能行瑩爲嚆瑪蘭通判有逆
民朱蔚糾眾爲亂瑩先事擒獲道府忌其功欲寘之曰是病狂
非反者瑩欲爭之駸不許曰臺灣孤懸海外姦民反側致動大
兵生民塗炭今逆首就擒黨羽星散若以狂病誅罪止一人

保全多矣吾不願汝以多殺爲功也時鎮軍頗不直道府之議
及聞驟盲嗟歎而從之將內渡卒於鹿耳門士民吏卒奔哭者
數十里

桐城縣志

汪阿喜桐城汪祐僕也賊至執祐而釋喜喜不肯去請以身代
主賊怒擊之再終不去遂殺之

桐城縣志

新移志忠節

劉宗向字經門桐城廩貢試用訓導嘗署青陽教諭有曹姓廩
生以考事牽連議革宗向爲白其冤得復道光三年桐遭水災
宗向首相二千金助賑邑人德之

桐城縣志
以上舊志

重修安徽通志卷二百四十八

人物志

義行二

安慶府

蘇國軾字少瞻宿松監生雍正間捐田八十畝於松滋書院子

細乾隆間助修學宮禮樂器孫良重建奎星閣

宿松縣志
以下新修

徐世儒懷甯人樂善好施置高家湖業一區與鄉人公其利歲

早以穀數千斛賑饑

懷甯縣志

石國泰宿松人縣丞乾隆乙巳大旱出資千緡卹里黨

旌建樂善好施坊祀忠義孝弟祠

宿松縣志

石述字敬齋宿松人縣丞乾隆初同弟姪捐屋一區爲義學卽

今松滋書院也姪之珍親董其事十餘年伙助脩脯膏火爲多

宿松
縣志

韋宗鴻太湖人州同乾隆丙午歲稔輸粟百石施棺三百餘具

又助貧人娶妻代楊某償逋全其夫婦

太湖縣志

路衛太湖庠生乾隆乙巳歲旱施粥捐設羅溪橋筏修龍橋頭

石橋

太湖縣志

王贊襄宿松監生乾隆甲戌甲寅兩次捐金賑濟水災麥熟乃

止姪監生家瑞亦如之

宿松縣志

檀珠望江監生嘗獲竊兒婉諭厚給之遇訟勸釋無辜受累者

代爲賠補

望江縣志

馬忠輝字蘊齋懷甯貢生少孤貧能自卓立及家道漸裕極意

振拔單寒睦嫻任卹無微不至子孝達捐賑平糶歲終餽貧至

稱貸以益有父風焉

懷甯縣志

劉盛太湖人歲終周濟親鄰乾隆乙巳嘉慶壬戌歲旱獨佃租減價平糶有鬻妻者解囊贈之又李光裕胡世官劉士標監生胡昌嘏李隆品並有贈金全人夫婦事世官五世同居隆品修

建雙河橋

太湖縣志

張汝象宿松人理問捐田於書院兩修類池冬施絮衣數百領除分給貧人錢米施櫬施藥歲以爲常乾隆丙戌捐賑穀千餘

石

宿松縣志

趙賓賢宿松監生乾隆間再修義渡用錢千緡刊碑當首列賓

賢逸議第載銀數兩而已

宿松縣志

鄭成訓懷甯監生歲饑資助貧乏自貸社穀百石以濟

懷甯縣志

周正新望江監生族某挾刃督索新笑而與之粟又有縱火於

應事者款以酒食資之服賈

望江縣志

石之琮猶松人理問嘉慶初捐修崇聖祠九年復拓基改建生平加意貧真貸千金債弗責償月給節婦薪米數十年道光三十年

旌建築善好施坊

宿松縣志

羅衍疇宿松諸生嘉慶初捐數百金修築縣東黎協橋隄及土

橋大路

宿松縣志

葉渭桐城人嘉慶甲戌歲旱以穀分潤族戚游學四川遇鄉人

客死者必經紀歸其喪或立碣葬於義山歲時祭之

桐城縣志

汪爲光桐城附生嘉慶五年大水捐錢助賑仿族祖汪志伊荒

政輯要之法採賙其鄉著有澤癩吟

桐城縣志

章宗典太湖人弟歿撫孤姪如子修家廟增祀產修皇古街道

嘉慶初歲歛捐錢米平糶費千餘金

太湖縣志

曹勝顏太湖人奉親隱居商山嘉慶九年白蓮教擾秦中商南知縣錢琛檄勝顏爲練總募勇堵萬家坪屢次力戰卻賊保境拔補把總不就卒祀商南忠義祠

太湖縣志

曹勝宿松人推財族黨婚喪皆仰給焉助修荆橋築隄里許捐建曹孫橋置望江吉水鎮舟步

宿松縣志

余翰太湖監生同居百餘口悉雍睦捐修學宮築北關沙隄歲歉倡議賑卹又監生路之祥造南關石橋築北關沙隄

太湖縣志

張廷英桐城人捐金數百造安息橋還借券二百金不責償

桐城縣志

汪之沛宿松人產不中資貸人不受券或強納則焚之楚客妻

貧寡失明將鬻其子之沛周以錢米得兩存活

宿松縣志

黃茂宿松監生嘉慶癸酉饑倡設體仁局施棺掩骼並捐置義

地客高瀆值饑疫出六百餘金貸濟之皆還其券

縣志

劉嵐峯桐城人客廣東督幕治叛案全活無辜五百餘人累濟

親朋數萬金

桐城縣志

龍旂望江監生歲饑減價糶穀瘞枯骨一千餘具又增生剗光

庠偕兄光庭施棺施藥水災破產撈獲尸棺掩埋數百家

望江縣志

童經緯望江人修橋造渡立局掩埋邑中義舉皆出重資贊成

戚族有困乏者多資其推解

望江縣志

王大本字挹槐懷甯人道光四年百有四歲

恩賜從九品急公好義所居鄉苦水倡築圩隄成沃壤嘉慶丁巳道光

壬午兩次捐金捕蝗殆盡

懷甯縣志

石式金宿松增貢同弟郎中殲金皆見義必爲道光辛卯以後
屢有水災前後助賑捐資卹貧數以萬計捐士子鄉會試費錢

五千緡助書院錢二千緡子雲漢觀瀾均能承志戊申己酉助賑水災卹貧苦亦如之兄弟父子並

旌建樂善好施坊

宿松縣志

程麟德懷甯人慷慨好義助族姓貧不能葬者百數十家道光辛卯歲饑捐錢千緡助賑出資重建濱江救生局又庠生舒翹捐巨種於體仁局歲荒助賑

懷甯縣志

全鑑林懷甯人歲荒爲粥賑饑或負米以餽有欲鬻子者周之乃止及疾革舉族戚所貸券悉焚之

懷甯縣志

儲恩瑞潛山監生倡捐五百金賑饑子潛發監生道光癸未年捐賑千金

潛山縣志

楊名超字萬師懷甯廩生訓導道光辛卯壬辰大水知府劉韻珂賑務盡善名超實與有力又辦三橋洋徐兩保隄閘籌捐鉅

款三年竣工人賴其利

接甯縣志

王相雙潛山監生道光辛卯饑命子潛川貸粟給里人償千數百緡又崔可珠家有斗粟輒分人不吝冬著敝裘遇老人寒者

卽解以贈

潛山縣志

章魁桐城武舉父母均好施魁承志於道光閒水災捐賑數千

金

桐城縣志

方和森字復菴桐城監生四品封職嘉慶道光閒水災前後捐錢萬四千緡助賑又捐田租九千六百餘石置義莊義學出二萬金建造祠倉嘗保嫠婦節完貧人夫婦咸豐三年出資倡辦團練城陷遇賊受傷歿年八十三事聞

旌

桐城縣志

同治八年以樂善好施

旌

吳坤修奏

周書桐城監生歲饑捐米數百石設粥廠以賑餓者

桐城縣志

吳杰太湖監生立培儒莊勸子姓讀書道光癸巳甲午歲旱率

丁壯捕蝗辛丑水災倡捐平糶建餘備倉及龍門橋贖資砌邑

北通英霍路百里年餘始成

太湖縣志

楊鍾秀太湖文生道光乙未壬寅捐穀平糶瘞浮櫬八十餘具

太湖縣志

趙獻字元叔桐城增生遇旱疾疫釀錢米藥餌振濟之集資爲

郵務經費復興培文書院月課

桐城縣志

齊遐賢字石園桐城人歲大水稱貸以振濟戚里屢代人償逋

家以是中落不悔也任俠爲人宰不平息訟爭旣歿而人思之

方宗誠怡堂文集

何朝珍望江監生歲饑倡捐穀數百石按口給米捐金設局施

棺凡利濟事輒出重資倡行之

望江縣志

宋必莊望江人培植寒畯施棺掩骨平糶救荒修祠造橋均不

少吝

望江縣志

徐魁潛山監生道光閒兩次助賑費二千金

潛山縣志

徐經訓潛山監生道光初水破公田壩需費甚鉅經訓獨力築

之

潛山縣志

王昌言潛山增生歲饑出穀減糶山木園蔬聽人采取鄰有鬻

受聘女者贖還之又廩生王國宰歲饑出穀數千石半價平糶

潛山縣志

李萬禎潛山監生事繼母以孝聞歲饑沿門賑米待舉火者數

十家又貢生金待問捐數百金建橋減糶濟貧施棺掩骼請生

盛會芝歲饑貸資買米贍族

潛山縣志

張繼英潛山人歲饑鬻口賑濟鄉里

潛山縣志

周苑香桐城監生創建支祠倡復救生船置義山瘞枯骨代籌

喪葬繕練扶植孤幼

桐城縣志

韓慶泳太湖監生道光初捐錢千二百緡置彌鎮義渡修彌陀

寺砌級姜嶺路

太湖縣志

陳國柱太湖監生歲災兩次出穀米給族鄰百餘家倡修田家

橋歲修荒冢

太湖縣志

陳國瑞望江人爲母卜阡其子以三萬錢計買張翁地國瑞聞

之憾然遂命延張至以三百緡酬之張不受而去國瑞私召張

之子強昇焉他事類是卒祀鄉賢祠

望江縣志

陳世範太湖監生遇歉歲平糶捐修朱家河山路十餘里捐建

柿樹鋪汪洋鋪石橋費金千計

太湖縣志

董運震太湖人積館金買穀百石濟族捐七十金刊送醫方施

藥餌捐百五十金修下河橋

太湖縣志

章允韶字舜音太湖人雲南通判歷署州縣皆有聲告養歸倡修學宮豐備倉道光辛丑大雪密以錢餽不能舉火者己酉水

災施粥濟人

太湖縣志

石銘石肅彝俱宿松監生兄弟購產煤山爲通族祀產得贏餘增田十餘頃族人應試及遇歲歉咸取給焉周卹親戚鄉鄰錫責焚券平糶賑災道光中兩建學宮構星石門費二千餘楮

縣志

趙峻太湖廩生少孤貧事母極孝倡捐重建學宮舟次巴河有

張姓鬻子代償其值收養之

太湖縣志

石廣業宿松人刑部司獄倡修西關外大橋偕族人捐產爲崇

聖祠歲修費輸助體仁卹嬰各局及水旱救荒前後約數千金

宿松縣志

吳佳材宿松附貢道光癸未水荒捐六百元助糶辛卯癸巳兩

次施粥賑饑貸濟族鄰千餘金悉焚其券

宿松縣志

唐耀軒宿松監生道光辛卯水乙未旱迭次出資購米給貧施

棺數百具

宿松縣志

徐志璜宿松人道光中歲饑縣設卹嬰局志璜董其事並捐給

嬰兒布蔬費

宿松縣志

胡湘宿松監生道光辛卯癸巳大水施粥濟饑捐修長港橋壩

又監生余宗寬設清灣河橋捐田歲修

宿松縣志

王瀚字湘濤懷甯廩貢歷署廬州太平府教授累捐千金擴修

廣泰圩延袤百餘里

懷甯縣志

王俊懷甯人施棺助葬設渡救生修張家橋圩隄所費尤鉅子

延慶亦以尙義聞

懷甯縣志

丁徽懷甯諸生孝友尙義建家塾置義莊捐義冢施棺助葬

懷甯縣志

縣志

陳聯魁太湖人創施新倉大河義渡冬橋夏船捐田百畝為經

費

太湖縣志

方正善太湖人創建宗祠捐置祭費歲饑變產施粥典衣助貧

又附貢李長萊出金三百倡建家祠義倉

太湖縣志

張成鎰太湖監生建宗祠捐祭田修橋寺歲饑賑穀修將軍石

路二十餘里

太湖縣志

劉士桂太湖庠生倡助族人婚葬獨修安定橋費二百金

太湖縣志

濮世珂懷甯諸生歲出麥米賑鄉里有羅姓將嵩妻償官課捐

金代納俾完聚又許維藩諸生有鄰人貧甚鬻身妻將自盡急

出金代贖之

懷甯縣志

王國枚懷甯人代鄰人償負俾免鬻妻歲時卹其家又監生趙

壁捐金完張姓夫婦又有劉萬象者其里人以婿貧將改嫁其

女萬象爲醮金完娶助之生理

懷甯縣志

路驥字越朝懷甯武生舟次蕪湖聞母子哭甚哀詢知爲鬻女

償債者捐五十金贖之

懷甯縣志

章金太湖庠生里有鬻妻償逋者出資代還又代殖余姓夫婦

養其母子子雅庠生教養里中貧兒衣食孳婦贖貧保節已責

還券

太湖縣志

汪時中字庸亭懷甯人孝友好施里黨待舉火者數十家屢爲

人完婚贖婦迭濟災民撫某紳幼孤代償官金兩葬其三代之

樞懷育

縣志

曹天工太湖人里人鬻妻償債出資贖還並給錢俾營生計感

黨孤貧者爲撫育婚嫁歲歉平糶

太湖縣志

李燕泰太湖庠生家貧館於斯州歲暮歸遇鬻妻致養者檢囊

金數十兩予之子如蘭捐粟賑饑

太湖縣志

周興盛太湖監生少孤孝母拾遺不昧道光壬寅歲祲有不舉

火者按名給米修梯子崖雷打石釣魚臺各路迨夾羅山橋橋

樹坳亭咸豐開團練禦賊捐資助餉卒祀忠義孝弟祠又監生

韋傑拾遺券八十餘金還其人

太湖縣志

潘花發桐城廩生族有貧不能讀者資以東脩不能舉火者給

以米贈資完人夫婦又監生姚成之亦有傾囊完人夫婦事

桐城縣志

縣志

王世榮潛山諸生有鬻妻者捐金完聚仍衣食之又邑紳王良宜廩生程章監生儲萬狀儲光采芮振攀從九品彭永昌民人陳正元均有捐金完人夫婦事光采永昌並拯災救饑給衣施

棺

潛山
縣志

汪植宿松庠生鄧醕監生並捐資全人夫婦

宿松
縣志

孫選懷甯監生少孤事母以孝聞五世百餘口同居共爨稱爲

義門子延久捐金全人婚姻

懷甯
縣志

周大智望江人有吏數人各虧公項貧不能償又有人以女抵

債者大智均代償之

望江
縣志

石繩錚宿松舉人內閣中書遇強暴偪人以妻償逋者出金俾還其券道光戊申己酉奉父廣垆命兩辦鄉賑語人曰私財視若公財多出一分自家多盡一分心公財視若私財多惜一分

災民多沾一券惠

宿松縣志

張春霆桐城舉人年四十未有子員妾知爲族人聘妻即日召

族人以妻歸之

桐城縣志

劉彪潛山諸生年五十無子嘗行善事嘗書錢票陰置貧戶門

首買妾知桐城宋氏女捐金還之別納妾舉二子

潛山縣志

李一相望江人子拾遺金命還其人夜火有老媪倉皇付以藥

金詰朝迷所付一相挈而還之

望江縣志

何倚聖宿松人拯穉女暴漲中無所歸鞠育如己女三次拾遺

金還其人又寡人沈維義拾遺不昧

宿松縣志

高繼綬宿松庠生拾遺金契券并還其人弟繼緒亦庠生族有

貧寡無依者捐資周卹之

宿松縣志

汪文然懷甯人歲荒有不能舉火者常密賑之其子曾芝麻七

石於盱眙客戶誤給七十石價文然令還之又有曾鴻煜者人貸其金而浮數以償於鴻煜之子鴻煜命還之

懷甯縣志

蘇漸磐桐城人代買人挈銀數百偕之避賊倉卒相失賊退尋

買人還之錙銖不昧後以遇賊不屈死

桐城縣志

吳上珍潛山人粵匪之亂徽商將歸寄金數百錢貨千餘緡爲窖藏之賊拷掠求索上珍終不言焚其室而去逾年商至不敢問前事上珍曰吾家雖破所寄物固無恙示嘗令掘取之

潛山縣志

儲光傳潛山人家貧買姑蘇拾遺金三百還其人牙行誤付二百金亦返棹還之又諸生儲承恩拾遺金二百還其人催租遇醫妻者卽捐租與之

潛山縣志

葛一鶚潛山人有違商病資用乏絕一鶚邀至家醫愈送歸子

宗毫拾遺不昧

潛山縣志

許緒芬字簡齋桐城人歲饑放賑知董事中有陰欲侵蝕者先期同要於神以沮其謀饑民遂沾實惠母吳好施緒芬承志捐資贍節整修道路舟行遇寡人投河拯而助之金

桐城縣志

王家祐太湖附生倡設體仁局建豐備倉修王家油鋪石橋羅

穀減價

太湖縣志

袁馨潛山監生代楊氏贖子雪何姓冤獄掩枯骨收字紙又葛顯材搜取前代家奴鬻身契券悉焚之縣丞陳朗建惜字亭募

收字紙焚化

潛山縣志

詹中樾太湖人捐數百金贖遠祖墓地代兄償重債舊識有親喪典質助之衣食故人劉姓夫婦八年並為營葬

太湖縣志

馬樹章桐城人詹事府主簿建享堂建宗祠置義田二百餘畝

桐城縣志

李惟仁太湖人重建宗祠三次獨修虎豹嶺路兩次助修龍眼

石橋

太湖縣志

路貽標太湖監生幼孤善事繼母撫孤姪族立務本堂捐千金

邑建書院考棚修河東驛路及歲祲平糶均捐資不吝

太湖縣志

路謀學太湖監生父貽俊貧而好施謀學以廉買起家增置祭

田以千金助族建務本堂書其父名又助族建時育堂助邑建

敦善堂修橋道施衣棺義事甚多

太湖縣志

儲恩萃潛山監生修學宮捐千一百金

潛山縣志

蔣嘉哲潛山人攜子姪入山採藥有虎突至嘉哲棄子抱姪長

沈虎曳尾去子亦無他

潛山縣志

王立謨潛山庠生鄉試同寓友病立謨爲之延醫親調藥餌及

歿典行李買舟送櫬歸遂不與試又諸生劉晉墀柳際清赴鄉

試見江中舟覆捐金募救活數十人

潛山縣志

宗桂生懷甯人與千總朱占春友善咸豐初占春在集賢關陣

亡桂生泣尋其尸十餘日始辨識得而窆之周卹其家

懷甯縣志

劉汝霖字潤生懷甯諸生咸豐間同諸生江積中等倡團練

儲峙以應官軍爲賊所覺遂走臨淮廬州陳策乞師皆不濟

憤嘔血死及官軍到皖積中籌薪米辦夫差保薦署蒙城教諭

卒官又諸生馬文照勸捐軍餉助復桐城

懷甯縣志

劉有筠字竹儕懷甯舉人靈璧教諭襄勘災賑修城濬河團練

巡防爲時人所稱

懷甯縣志

吳溥湛桐城人粵賊踞城時土匪竊發溥湛糾義勇攻殺數十

人餘黨解散居民始安

桐城縣志

周如海桐城庠生倡義樂天治河隄建豐樂書院整頓楓林河

條規咸豐開團練驅土匪保衛東鄉

桐城縣志

韋宗智監生阮一麟庠生俱太湖人壯歲喪妻有子終身不再

娶

太湖縣志

徐桐宿松諸生壯年喪妻有子不復娶獨居終身

宿松縣志

余志洵潛山附貢製治黃腫藥丸施人無算又監生陳燦林遠

紀徐祖福周監二諸生熊聚奎黃道文童葛榮初方文正均以

施醫施藥聞

潛山縣志

楊秉璋字禮南懷甯進士官至侍讀學士京師舊有懷甯會館

王琰立規模修葺之秉璋加擴焉增置義冢歲祭資產

懷甯縣志

王炳潛山監生以團練保光祿寺典簿銜咸豐十年捐建水吼

嶺碉堡二座

潛山縣志

檀仁望江諸生慷慨好義邑北西圩水患隄潰仁請董率修築

復建石閘以便宣洩圩中田廬悉利賴之

望江縣志

陳先覺字聘三望江人議叙州同家貧父老病覺棄儒服買積所入以奉甘旨兼顧弟姪具得父歡中年家稍裕益慷慨好義如設立救生紅船培修縣境地脈均竭力倡捐鉅款同治二年知縣張濂病篤妾弱子幼以所積廉俸五十金囑先覺爲身後撫孤計合署無知者及張歿覺集眾述其遺命以所寄金面付之望邑樹桑及采訪節孝尤實心奉行不辭勞瘁卒年六十三

采訪續冊

重修安徽通志卷二百四十九

人物志

義行三

徽州府

宋胡策字文舉績溪人慶歷四年縣饑以粟五百石賑濟其秋

契丹聚兵西北司徒呂夷簡調兵擊之

胡氏家乘作宜撫策以范仲淹調兵爲衛

賞財十萬助餉奏稱社齋郎參選改將仕郎鉛山尉

績溪縣志

汪漢字翰美休甯人宣和六年邑遭方臘之亂漢擊骨肉遯大

溪奔附者咸賴以免紹興元年張琪爲亂避西阮山側賊至漢以隨身之寶與之且勸以好語賊稱善人戒勿殺一方得免於

難

徽州府志

吳大用歙縣人嘗割己田捐貲開立昌場灌三鄉田畝鄉人祀

之左史呂午記其事

徽州府志

胡則參婺源人縣學災獨力重建禮殿又多方置學田以贍士

徽州府志

元鄭安歙縣人宋亡之明年李世達叛李尤魯敬以徽反覆將屠城安叩軍門請曰亂一人耳民何罪而欲屠之敬乃止以安

爲歙令後鄉人思其惠立祠祀之

江南通志

黃孝則歙縣人宋末李銓爲招討使素善孝則元兵至銓託以幼女而遜旣長嫁之如己女松源盜起監郡馬思忽來討孝則釀酒勞軍力言玉石俱焚兵家所忌遂獨擒其渠魁使招餘黨賊皆羅拜相率降鄉里以安以功授巡檢使不受

徽州府志

董興之婺源人甃砌邑通衢東西十餘里又造浮橋以濟行人事聞旌其巷曰長者坊

徽州府志

吳以臨歙縣人蠻獠叛郡將征之有悍卒江乙等十餘人劫掠大家以臨家爲之罄有司例以盜獄成大府遣官慮囚召而問狀以臨曰兵興卒求賄耳非盜也官用其言得不死

徽州府志

許洪壽歙縣人績溪寇發臺檄率眾招捕爲活其里誤脅從者五百餘人後紅巾犯歙其子德紹亦奉檄團結義兵亦戒勿殺論功將官之不受德紹子伯昇從軍討賊大呼速降賊方樹旗張勢伯昇發三矢旗裂卒折賊遂潰而降伯昇後官汀州太守有善政

歙縣志

陳鏐績溪人蜀有李某未遇時過績溪途窮鏐厚贈之後李以廉訪使巡察江東來見鏐辭而避之會有以僞鈔事覺當連坐十家鏐歎曰若等無知獲罪累及無辜吾不忍也乃自往見李

白而釋之

績溪縣志

胡浣婺源人事繼母孝兄弟同居終其身嘗建明經書院以延學者又輸田三百畝充膳費造大成殿作巨氏壽明經二橋置田以爲修葺浮梁浮橋之費善事不可勝紀

徽州府志

黃真元一名友仁黟縣人講學力行念祖宗先澤不忍沒效范文正法買田六百三十餘畝曰厚本莊建祠祀其先人自始祖而下冢木薪鬱祭臘羶蕪族眾百餘口日食歲帛婚嫁喪祭給支有等延致碩師訓其子弟規式凡目具有條理至正十一年奉旨就將前項銘刻於石尙書汪澤民爲作黃氏厚本莊記

志

鮑元康字仲安歙縣人與從姪深同受業於鄭玉慷慨好義以其歲所入區爲十分三給家人三供官府二以待水旱一以贖姻族一以待患難嫁孤女養孤子立社倉至正十二年紅巾賊

至元康與深起義兵拒之以勞苦成病卒

徽州府志

鮑深字伯源歙縣人紅巾至徽散財募眾保禦鄉井及元兵至疑其作亂將執而殺之深辭色不變曰我山林遺民亦舉義圖全鄉井將軍行師奈何用不以律帥動容禮之容以安徽之計後嘗立社倉賑貧乏鄉人祀之於社

歙縣志

明汪著字子晦婺源人事母孝母卒哭幾喪明嘗拾遺金數斤封上有豐城某字訪之三年始得其人還之封識如故後以貢官武邑教諭

徽州府志

吳公逸歙縣人少失父母伯兄病劇仲兄困於訟咸竭力救之歲終計族人老幼授衣粟年凶力行賑卹後病篤屬子允復輸萬金佐公家之急詔旌義賑官

江南通志

江彥良歙縣人嘗拾遺金三百於路亭待其人還之客分金以

酬不受鄉人因名其亭曰還金亭

黟縣志

舒志道黟縣人孝事父母友于兄弟捐資助賑給棺收骸又嘗修理府學興建書院

國朝乾隆二十四年

旌表

黟縣志

汪志善黟縣人正統戊午歲饑輸穀千石以賑

徽州府志

胡彥本黟縣人正統九年甲子輸穀一千二百餘石助賑于洪

景泰六年輸穀六百石助賑詔建尙義坊

黟縣志

李有政祁門人景泰中歲祲朝廷下勸分之令有政曰以義賑

而邀冠帶是利之也乃發粟助官而辭冠帶又募人除虎害擊

懸崖爲坦道人多德之

徽州府志

汪廷珍黟縣人景泰閒輸家財以足邊餉詔旌尙義之門同居

吳仲遠成化閒輸粟助賑孫昌宏治初輸穀一千餘石助賑俱

旌表建坊錫以冠帶

歙縣志

程功黟縣人嘗出穀七百石助賑事聞旌表

黟縣志

汪瓊祁門人邑南溪流激撞善覆舟捐金四千伐石爲梁別鑿道引水池遷五六里舟行始安嘉靖六年大水壞民田百餘畝瓊重修治計田而償其直因以貧乏

徽州府志

汪徽壽歙縣人焚券濟貧捐資二千金修河西橋同邑吳繼善獨建府西太平石橋江廷俊捐金五百以新學宮

江南蒼邇志
徽州府志

余文義歙縣人構屋數十楹置田百二十畝以給貧族度地二

十五畝作義冢構石梁以濟病涉同邑羅元孫亦構屋數十間

買田百畝置義倉家塾又甃石箬嶺建梁以通往來

徽州府志

汪侃字仲和歙縣人父故長者嘗拾遺金守而還其人侃成化

丁未成進士授行人以議祧禮稱旨將大用會艱歸服闋入京卒於途嘗有里中捍患功邑人埭像於雙烈廟祀之

歙縣志

汪煥祖婺源諸生歲饑盡出穀數千斛給貧者遠則兼設粥以食之疾革命子應蛟置田百畝以濟族人復買稻三千斛做常

平法以濟鄉人

徽州府志

汪泰護歙縣人嘗買毘陵歲饑出穀大賑後里中饑賑粟六百

石事聞得旌賜建義坊

徽州府志

馬祿祁門人父病終夜侍立不就寢者數月嘗客常州受友人寄金百餘爲同族所盜祕不言罄己貨償之已而盜敗得所寄

金友始知之

江南舊志

倪文宴祁門人嘗拾遺金出揭招其人而還之卒年九十五

祁門志

何其鍊字東洲黟縣人員外郎性豪俠家貧舌耕養親年五十游於淮爲當道所器重總理兩淮鹽務嘗過皖見石梁圯捐金獨建又以家貲分給猶子此外周親濟戚亟困扶危善舉甚多黟縣知縣旌其門曰尚義子天衢增生孫志學鄉飲介賓曾孫嘉會庠生嘉允鄉飲大賓能承父祖志如建家祠修族譜歲饑後先賑濟均不惜鉅貲至今稱遺愛焉

何氏家乘
新增

胡天祿祁門人幼貧而孝後操奇贏家遂豐族人失火焚居天祿新之又建宅於城中與其同祖者居焉輸田三百畝爲義田以備祭祀及族中婚嫁喪葬貧無依者之資

徽州府志

張希本祁門人祖啟銘好義修補橋路終身不懈至希本能承其志嘗捐金數千買粟以賑歲饑

祁門縣志

黃侃休甯人嘗條陳淮南北鹽筴利弊使者稱善居家置義倉

義冢義田宅捐萬金建古城石梁曰高公橋他如鬻宮白岳倉

庾道路諸役悉與焉又入粟以助國費詔建坊旌義

江南通志

吳繼良休甯人母亡事像如生兄弟禮讓構義屋置義田以居

食貧者輸郡邑學田置還古書院膏火葬戚友贖人子女乳遺

嬰表揚貞烈建石梁七堯路數百里其事不可勝紀

江南通志
徽州府志

志

洪什欵縣人事孀母孝服賈起家力行善事賑困乏救災患不計恩怨一以厚道施之汪道昆爲之傳同邑方如騏諸生父母歿築室請書冢傍居金陵瘞南門燼骨數千又與鄭滂石斃金陵孔道以達蕪湖弟如驥與兄友愛勇於爲善能佐兄之不逮

江南通志
徽州府志

查傑休甯人客鳩茲置石會渡砌石埠於姑孰堯南陵石道百

里繕白岳殿登封橋有貸千金者死爲之斂焚其券有以業質

千金者憐其祖阼折券不責償

徽州府志

程亨嘉婺源諸生嘗建橋造渡創亭砌路歲荒平糶置義冢施

棺木又嘗建紫陽書院兩廊書室一十八間家本貧乃積而能

散義舉不可勝紀

徽州府志

汪大溶休甯人以善買起家舉財產歸嫡母以公諸弟後由成

均除山西鹽幕委比逋課三千餘金鞠其情苦歎曰官以鄙民

而忍斃貧民命乎卽盡爲代償將卒檢負券數十紙付之一炬

徽州府志

方瓘歙縣人從湛若水學絕意仕進歸時同行友死舟中例不

載屍瓘祕不告人與同寢累日至昭州始發之

江南通志

祝苾謙婺源人嘗輸粟千石助賑先是其兄孟賚輸粟六百石

以賑有司上其事建坊旌表

江南通志

曹永護婺源人遇歲荒或歲杪必密察鄰家之急陰餽之不以

語人

江南通志

汪汝和婺源人友有逋皇木帑八百緡繫獄竭資代納之有鬻妻以納糧者不忍離其子哭甚哀爲代輸而止其鬻又嘗焚券

數千金郡守爲榜其名於旌善亭

江南通志

曹玘婺源人有義烏方時成者出亡資盡將赴水死玘救之助錢令習業期年父來尋泣拜去族有負貸者醉遇玘於途疑將

責逋掉玘泥中逸去玘不校明年大饑復贈之還其券

江南通志

胡殿卿黟人與弟華卿俊卿九卿極友愛好義樂施凡邑中建造祠宇橋梁皆慷慨捐資及施藥掩骼善事甚夥有莊田在祁門祁庫吏胡裕卿者虧帑金二千餘繫獄覲脫罪妄指與巖

卿兄弟有連官檄問歲卿兄弟不置辨卽鬻產代償之而出裕
卿於獄人以爲難

彭縣志

汪文保彭縣人嘗拾遺金二百兩遂止客舍訪得祁人謝某還
之謝分金酬不受謝以聞之太守召汪命受之叩首辭守謂謝
曰報德途寬不在金謝俛首曰小人有兩女願締姻可乎守曰
善問文保子幾人曰子八有孫乎曰三十三守起立舉手加額
曰有是德宜有是福遂命結婚以鼓樂送歸

國朝乾隆二十八年

旌表

江南通志
彭縣志

李文達休甯人輸粟賑饑詔表宅里並以冠帶榮之

休甯縣志
新增

國朝胡繼芳婺源人前明天啟時水荒煮糜以濟饑者三閱月其

修橋置渡施樁平糶歲以爲常

婺源縣志

唐祁歛縣人其父嘗貸某金以失券告償之既而他人以券來

又償之人傳爲笑祁曰前者實有是事而後者券則真也嘗訓

其子弟曰力能濟人自親族始毋見德毋市名

江南通志

汪思孝婺源人甃石梁以防溺置義田以贍族設義塾以訓貧

子弟遠近稱之

江南通志

程大任休甯人有貧鬻妻以償逋者贈之金以全之有土豪擄

其警於獄者爲力雪之

江南通志

滕應祿婺源人嘗捐貲建縣堂歲歉出數百金買米以賑同邑

汪大謨歲饑寇亂冒鋒刃市米以賑又捐重貲倡建霍溪善慶

橋

婺源縣志

程峻德休甯人邑饑捐賑月給人錢三百文秋穫始止山寇劫

掠募勇守禦期月寇遁

徽州府志

汪文德祁門人乙酉

大兵南下文德率弟健詣豫王軍前以金三十萬犒師且請勿殺

無辜王義其言欲官之不受曰願爲農夫王笑從之

徽州府志

胡巽黟縣人歲饑賑粟施藥全活甚眾順治乙酉宋乞胡得等倡亂額兵進剿乾隆三年奉

旨旌表建坊

黟縣志

舒文肅黟縣諸生宋乞之亂請兵剿賊乾隆五年

旌表建坊

黟縣志

黃志廉黟縣人明末嘗以策干史可法不用歸爲保禦鄉土計宋乞之亂請兵進剿邑賴以安同邑余昌來等皆同時上書軍

門以禦亂者

徽州府志
黟縣志

江文樞黟縣人江雷旣義殺宋乞乞黨欲得乞頭否則盡滅江

氏文罷貌似乞自刎以與之族人皆免

縣志三志
新增

程世忠影縣人順治辛丑年荒領貲販米賑糶又嘗焚友人借券康熙甲寅邑有寇災約鄉里併力捍禦平時借券悉焚之境

賴以安

縣志

洪德稅婺源人嘗客京口捐數百金買田入救生渡以濟渡拯溺者六合城圯捐千金助築又欲建石橋於清華孔道以便行旅疾革未及舉子益善成其志鳩工董役費二千餘金而成

婺源縣志

江國銘婺源諸生嘗出貲數千金獨修宗祠又置祀田以垂永久同族江呈奇捐千金獨修邑東山松大路復置田煮茗以濟勞渴行旅便之

婺源縣志

查公藝婺源人明末訪友毫宋間值流寇亂有詹姓者攜子避

亂欲棄去公藝爲代負之得免後居鎮江海寇燬民居散金錢以卹轉徙以計脫二掠婦歸其夫儒學櫛星門圯捐千金獨建之

婺源志

項駿馨歛縣庠生明季大裨出粟爲糜全活甚眾又自起大宅俾貧人傭工故歲凶而民不饑同族項對廷遇歲歛捐賑不倦初艱於嗣妻爲置妾不納擇人而適之里有火災從堪輿家言獨捐重貲築堰蓄水堰成而火患息至今賴之

歙縣志

閔遵古徽州人僑寓蕪湖金聲之殉節也從死者江天一及其族孫孟卿陳繼遇吳國楨余元英等遵古素與天一善聞蕪湖僧海明潛至金陵斂聲屍歸因同閩人蕭倫復至金陵斂諸從死者以還後諸家皆至蕪湖載柩還籍惟吳國楨余元英家無人至遵古遂買地葬焉

蕪湖縣志 舊志太平府流寓蕭倫傳 新移

汪光翰字文卿婺源人明季客川南道景陵胡恆幕恆闔門死
獻賊難惟媳朱氏與幼子得免光翰閒關保護給其母子衣食

二十餘年不倦蜀平道通送歸景陵

江南通志

汪瓊縣人順治閒獨力建挹秀橋止自認出費一千金而歸
功當事又置田數十畝屬後人爲修葺費迄今獨修已五次矣

影縣志

汪耀廷縣人順治閒賊犯邢門掠婦女數十人拘至高樓出
數百金贖之各歸其家又造橋建亭施棺焚券義行甚多

徽州府志

楊春元影縣人服買以養父母友諸弟徧歷吳越閩楚關陝
所至皆有聲嘗在粵東有貸尙藩質莫償者率其子同赴水春

元亟呼救之代償所負且厚給焉

影縣志

黃金印休甯人嘗遊濡須值海寇告警傾資以佐軍需城賴以

完休甯縣志

吳汝潢祁門人客姑蘇有友寄金六百夜泊遇盜掠舟汝潢匿友金而已囊盡爲盜劫抵楚出金付友友願分酬不受有外戚家傳客死婦以貧適人將出戶矣攜金力止之薄暮而其夫歸

祁門縣志

汪應幹祁門人有海陽客攜千金寓其家順治己亥祁有寇亂客逃去應幹爲賊所執以刃索金幹顧其子曰趨取吾所有來其子知其意出家貲付賊得免後客來出金還之客不肯受應幹曰賊未劫而我取是我爲賊也客攜金拜歎而去

祁門縣志

謝明哲祁門人順治初頻年患盜出資守禦一方以安歲饑市米以賑自宗族以至鄉鄰悉賴以舉火又命諸子捐田百畝入家祠以供蒸嘗濟貧乏又遺命新湛甘泉講學之神交館捐田

四十畝爲學徒膏火

祁門縣志

邱勝卿祁門人歲饑出粟以賑不足則多方措置以繼之寇亂鄰村皆烏獸竄乃出餼給強健者晝夜守禦賊至并力擊之皆逐取賴以安

祁門縣志

程德乾休甯人嘗服買安邱明季寇亂助司牧謀守禦倡義輸餉安邱賴以保全後歸鄉里山寇竊發糾集義勇爲防禦計康熙甲寅閩寇犯城復團練拒守於白際嶺輸餉累千以勞瘁卒

休甯縣志

汪汝蕃字生伯休甯人揖之父也築友善菴出米數百石賑饑身與妻子粗糲自如亂後贖屯營婦女歸其家埋骨掩骼二十

年內積槽千餘具

王暉今世說新傳

董欽婺源人順治開逃將圍城勒餉欽挺身往諭輦金從城趨

下恣賊取賊飽颺去得免焚掠

徽州府志

汪彬婺源人寄籍江浦爲諸生尋以例貢考授教諭甲寅閩變婺邑徧罹兵燹彬倡義守禦募鄉勇聯結一十二村賊不敢犯

嘗遊姑蘇建育嬰堂捐資爲乳哺費活男女無算

徽州府志

汪拱乾婺源人凡有緩急有求必應積券凡八千餘金一日咸

令來合券並歸之

徽州府志

吳時捐歛縣人夜出遇盜執而問里中富戶爲誰答曰無踰我者引至其家任劫其資以去

歙縣志

鮑汝漳歙縣人嘗建社壇修祠廟興義塾置義冢葺橋梁道路

卹孤寡惇獨掩骼埋枯歲行不懈

歙縣志

許明賢歙縣人賑饑焚券施藥施棺完婚助葬歲以爲常卒年

八十五祀鄉賢

歙縣志

吳爾襄歙縣人服賈豫章往來臨川樂安閒值滇閩寇亂犯樂安倡設防禦教諭許某託妻孥於襄殉難死爲敍而資之歸其概臨川告急襄往偕邑令誓諸生於學募丁壯固守賊莫敢犯兩邑獲全皆襄力也

歙縣志

江學溥字公如歙縣人順治初避寇亂居宣城遂家焉慷慨好義輕財樂施子自超自高性孝友兄弟同居至於三世

寓國府志舊

志寓國府流寓新移

鄭士寔歙縣人賈於江右順治戊子金玉二寇煽亂米價如珠士寔捐金買糶全活甚眾及城陷凡被掠者索多金以贖罄所有救同鄉七命先是無子妻爲買妾送江右詢知有夫令別居而還之

歙縣志

胡璋歙縣人康熙甲辰武進士嘗獨建宗祠旁構樓屋數十楹

使族人居止設義田義學學宮傾圮率先鳩工庀材煥然一新

歙縣志

葉升休甯人奉其節母汪氏家於霍山侯張之亂輸重貲備禦

子風字維風學古礪行通岐黃術著有詩文集

六安州志 舊志六安州流寓

移新

余文焯歙縣人少貧後服買得裕嘗見族祖所造石梁傾圮罄

貲重建人不病涉里人至今尸祝

歙縣志

閔世璋字象南歙縣人游九華買米賑下河饑民捐金爲王喜

鳳贖女外祖家四棺未窆一日盡葬之年七十餘夜不釋卷手

錄古人格言成映其他善行詳魏禧善德紀聞錄

王時今世說 新增

王大成字維祥婺源人少負幹濟效力省城巡撫靳輔獎許之

靳總河務挈大成往濬築有方河隄堅固大學士明公視河巡

大成所董處嘉之賜額曰績著宜防報部紀功爲最因病不克
赴選居鄉尤勇於赴義甲寅闖寇偏城協文武官捍禦嘗輸平
金買鄱陽彭家埠巨宅爲婆商往來卽次又捐數千金造德興
瑞港石梁辛未水癸酉旱皆捐貲運米平糶又嘗屬子元斌焚
負券數千金

婆源
縣志

黃世權婆源人性慷慨嘗以重貲付友市木於閩其人盪洗其
橐自挾貲往接濟之適兵荒道殣相望竟傾貲以賑而還又嘗
遊鎮江額駙石大將軍建駐防千閒於京口當事倉皇無措有
薦權者悉以委之未而月而功竣將軍偉其才重加禮貌潤州
士民咸德焉

婆源
縣志

吳士英婆源人祖尙分年近百歲五代一堂父全好義鄉推祭
酒英承祖父之志孝養繼母友愛諸弟嘗買於淮代友償逋千

餘金里有木橋潦漲輒圯英易之以石名曰承志

婺源縣志

戴本孝婺源人幼嘗割股療母本里高奢爲四達要津獨捐重

貲偕同里江應桐創建石梁十餘載而後落成

婺源縣志

金敦洵歙縣人康熙甲寅饒寇震驚糾合鄉勇防禦賊不敢犯
官兵剿寇過微有藉牧馬名散掠村落者詢詣軍門呈狀大帥

下令禁止民乃安

歙縣志

曹汝宏歙縣庠生每歲除夕袖金過貧者之門暗中投贈子元
敏亦庠生歲饑不欲居賑卹之名乃建造圓圖歸人趙事日贈
米二升眾賴以給

歙縣志

潘景文歙縣諸生康熙閒歲饑重貲賑濟幾及半載施棺食設
義冢修道路貸金者多至數萬不責償焚其券同邑方周歲饑
悉出家貲助賑費用不貲全活甚眾

歙縣志

程之鴻歛縣人嘗重修北門萬年橋費二千金養卹族中孤寡無算同邑徐瑞玉獨力捐修西路通衢易甃以石又建上元橋歲修不替嘗捐貲周卹族中孤寡章程條理比之范氏義倉

志

葉良沐卹門廩生康熙開族修統譜良沐典質捐資千金

卹門縣志

增

新

江演歛縣人郡北新嶺峻險獨力捐金數萬開闢新路四十里以便行旅又嘗修葺宗祠增置祭田義塾子承瑜亦修邑東孔

道二十里

歛縣志

汪光冕歛縣人以服賈致裕專務利濟族中貧苦者計月給粟施茶湯以待行李製棉絮以給無衣施醫藥以治病人設義館以教無力延師者歲費凡數百金又每歲施棺行之數十年所

費以萬餘計

歙縣志

查珂婺源人山寇掠男婦珂以金餌營弁追釋多人有鬻妻來

償道者爲贖之還其券

婺源縣志

黃文東黟縣人家貧業子平術邑有嶺名四十八級者敲傾險絕文東出所積甃石以坦其途功將成而卒子大菡繼志成之

行旅頌焉

徽州府志

舒家慶黟縣人嘗獨砌邑東邑南大路建阬口石橋又助修城

東大石橋歲饑賑粥修理學宮

徽州府志

汪以功歙縣人母卒號泣哀毀目幾眚嘗客姑蘇有友暴亡爲斂而歸其櫬在金陵有張某懼難以弱息委之匿之得無恙事平而後歸之

徽州府志

黃大順休甯人父亡於豫章值兵戈阻道率子鳳翔冒鋒刃扶

柳歸里廬墓三年徵郡督無考棚士子就試旌德大順捐貲創

建又置義田葺祠堂造橋修路義行甚多祀鄉賢

休甯縣志

黃鳳翔大順子凡遇免徵之年盡免諸佃之租又法常平遺意

一有旱潦卽助賑減糶祀鄉賢

休甯縣志

張宏勳休甯人歲饑爲糜以食餓者數月不倦會土寇發聚族

避山中依之者多仰給焉保全甚眾

休甯縣志

金秉聰休甯人郡邑初定北源餘寇千人劫掠村落奮然詣李

督營請兵捐金爲餉剿平之邑賴以安

休甯縣志

汪子諒休甯人賈滁陽順治初流寇迫城散典資數千緡甃城

以待援兵寇退滁人德之

休甯縣志

姚葉字任華休甯人嘗散金募死士以禦山寇郡守欲上其功

固辭爲人排難不惜千金諺曰任華一諾春生冰壑

休甯縣志

王錫婺源人積米千斛歲饑悉出以蘇親族同邑庠生詹士

歲稔捐千金賑饑三月

婺源縣志

程之炫婺源人寓居毘陵歲饑出數百金以濟明年復饑賑益

多毘陵人欲爲請旌固辭同邑汪延齡考授州同知寓居姑蘇

值歲饑以數千石米減價平糶全活無算

婺源縣志

江祚錫婺源人嘗置田四百畝以其租備祭掃餘則盡以給戚

黨之孀孤貧窶者行之終身不倦又重修忠義祠置田數十畝

以供祀事捐金建橋助田宗祠義舉甚多

婺源縣志

汪延庚婺源人康熙閒邑修學宮與兄延齡江應熊捐千金爲

倡眾皆踴躍從事又獨建名宦祠

婺源縣志

汪三錫婺源人康熙甲寅蜈蚣山草寇剽掠邑不能抗詳請徵

饒兩鎮府會勘三錫念兵積難支懇憲辭兵與項村巡司習練

民壯討平之兩省居民安堵如故

婺源縣志

江暹婺源庠生少有才識閩督姚啟聖收臺灣暹在幕府有功嘗與弟燧姪嘉錫捐田租千石入宗祠供祀事又獨輸租百餘

石備周窮貧之用

婺源縣志

程浚歙縣歲貢事嗣父母及本生父母俱盡孝合葬四棺於一塋嘗客吉安值茶陵兵變代守土官區畫拒守計城得保全

江南通志

汪晉歙縣人寄籍江甯爲諸生嘗構宗祠置義田以成先志兄

弟友愛白首無閒自給甚約而周急拯危不少前卻

江南通志

項茂楷婺源人閩寇之亂土賊乘閒肆掠楷率鄉勇悉力捍衛賊悉陰遣行刺楷裹創拒守愈勁賊乃駭散鄉人感其義立主

祀之

婺源縣志

曹肇新婺源人寇自廬源突入自率鄉勇截禦之保護居民五

百餘家得全活無患

婺源縣志

楊龍見黟縣庠生嘗之江右阻風鄱陽適岸有遭回祿覓死者
急救而傾貲贈之鄰有久客無耗婦將改適偽作其夫書封金

寄之婦安而夫歸

黟縣志

程建休甯人官戶部郎康熙癸未山左大饑呈請助賑分界入
汶上縣全活五千餘人乙酉淮南海嘯場竈蕩如復請捐助楚
中米貴又輸金買穀以賑嘗獨建郡西門外太平橋修築嶺路
築邵伯隄置義田以繕焦山救生之船購石料以堵儀真之岸
所費皆巨萬家居修學宮書院營宗祠設義渡善不勝舉

休甯縣志

吳琛休甯人僑寓武陵時屆賓興多士擁立貢院門外雨淋日

暴琛捐資數百創立棚廠每科以爲常康熙壬申郡大歉首捐

米五百石以賑又嘗於嘉湖賑粥友人孫某託以遺孤撫之成

立

休甯
縣志

黃治安休甯人曾祖大順創建考棚至治安屢世修葺益加完
美學宮就圯估費甚鉅慨然獨任輪奐一新其他成梁修道代

完逋賦義舉甚多

休甯
縣志

吳繼祺休甯附貢嘗捐四萬餘金修黟祁閒孔道六十里有奇
又修明倫堂魁星樓城隍廟藍渡登封兩石橋僑寓漢口立紫

陽書院以祀朱子並立義學延師教鄉人子弟義難勝舉

休甯
縣志

胡爾萬績溪人康熙辛亥歲饑斗米七百同弟希瀾希滄汪文

元胡元齡輪日賑濟三月乃止同邑程大茂康熙戊子饑疫食

饑者粟饋病者藥一月費至六白金不足鬻產繼之

績溪
縣志

程應鴻績溪人歲饑出粟助賑并行以工代賑法壘砌石路三

百餘丈

續溪縣志

胡鳴琪績溪人江防議敘通判嘗寓蘇州倡建普濟育嬰廣仁三堂康熙己卯

上南巡鳴琪上書乞下三堂法於各省奏

允賜仁惠二字歸里修祖廟壘橋葺路置義田興文社義行甚多

續溪縣志

邵詮績溪庠生曾捐金四百修石紋橋通衢大路二百七十餘丈戊子己丑連饑出粟以賑同族邵謨亦同出粟賑濟又修苦馬嶺路二百五十餘丈及福昌寺前大路費數百金

續溪縣志